



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. XVII. Ad cap. 9. Eod. tit.

urn:nbn:de:hbz:466:1-10224

Primus, qui stor. sacr. 6. 7. ferturque primus creatus Pontifex secundum formam à concilio Lateranensi II. præscriptam. Vixit in Cardinalatu fermè 50. annis teste Onuphrio. Tertio anno Pontificatus civili seditione urbe expellitur, cum Consules & Senatores ab Urbe ex- lere vellet. Profugit Veronam, ibi mortuus.

*pulsus. Scribit ad Lingonensem Episcopum. Lingones inter Cel-
Lingonensis tas finitimi Æduis, Sequanis Tullensibus, Langres vulgo, civitas
Episcopat. Episcopalis in Galliâ sub Archiepiscopo Lugdunensi; qui Archi-
episcopus est Dux & par Franciæ. Lingonensium Episcoporum
res gestas describit Jacobus Severtius in chronologiâ Archiepi-
scoporum Lugdunensium.*

CAP. XVII.

Ad cap. 9. Eod. tit.

S U M M A R I A.

- | | |
|---|---|
| 1. <i>Norvicensis Episcopat.</i> | 8. <i>Cur aula Rom. hodie solo Vice-</i> |
| 2. <i>Cancellarius Ecclesiæ, idem & Bibliothec.</i> | <i>Cancellarii titulo defungatur.</i> |
| 3. <i>Notariorum primicerius. Pro-</i> | 9. <i>Ratio Gomezii examinatur.</i> |
| <i>toscriniarius.</i> | 10. <i>Quis ultimus Romæ Cancellarius.</i> |
| 4. <i>A libellis, epistolis.</i> | |
| 5. <i>Cancellaria, quis locus.</i> | 11. <i>Domnus Mosyses Vice-Cancellarius primus.</i> |
| 6. <i>Vice-Cancellarius.</i> | |
| 7. <i>Ejus officium.</i> | |

Norvicensis Episcopat. **S**criptum est ad Episcopum Norvicensem. Alia exemplaria legunt Norviensem. P. Gregorius Norvagiensem intelligit, & ita legendum putat. Sed omninò est Norvicensis, Norvicum Angliæ sub Cantuariensi Episcopo.

Cancellarij Ecclesiæ, idē Biblioth. In cap. X. mentio fit Cancellariæ. Cancellarius olim in Ecclesiâ Romanâ & bibliothecarius dictus, qui Romanum Pontificem in chartis Ecclesiasticis juvabat, & orientis occidentisque Synodicis consultationibus respondebat, ut tradit D. Hieronymus in epistolâ ad Agerachiam de monogamiâ. Et conjicit Dn. Mallincrot ipsum Hieronymum Damasi Papæ Cancellarium fuisse. *Notariorū* Antiquissimis temporibus Notariorum Primicerius appellabatur.

batur, deinceps Protoſcriniarius, ut ex Onuphrio & aliunde con-
 ſtat. Scriniarium etiam nominabant, ut in ſubſcriptione Nico-
 lai primi diplomatis apud Lindenbrogium, inter privilegia Ham-
 burgenſia reperitur: *Scriptam per manum Leonis Notarii, Regio-*
narii & Scriniarii &c. Datum Kalen. Julii per manus Tiberii Pri-
micerii S. ſedis Apoſtolice. Nominabantur etiam à libellis, ab E-
 piſtolis. Romanæ Eccleſiæ ſcribarum princeps erat Cancellarius,
 & quia bibliothecam etiam curabat, Bibliothecarius voca-
 tus, ut ſcribit Onuphrius in interpretatione vocum Eccleſiaſtica-
 rum obſcuriorum. Sequentibus temporibus diu utroque uſi
 ſunt titulo, ut junctim & Cancellarii & Bibliothecarii vocarentur.
 Cancellaria locus, ubi expediuntur reſcripta, de rebus Eccleſiaſti-
 cis, vel ad ſedem pertinentibus, cui hoc tempore præeſt, ſublato
 Cancellarii nomine, Cardinalis, qui Vice-Cancellarius audit, ſe-
 cundus dignitate poſt Pontificem, ſecus atque olim, quando & à
 privato exercebatur hoc munus, ut liquet ex actis concilii Lugdu-
 nenſis ſub Nicolao III. celebrati uſque ad Bonifacii 8. tempora, ut
 ex præmio libri ſexti Decretalium colligitur & notat ibi Johan-
 nes Andrea. Vice-Cancellarii autem officium in regimine Can-
 cellariæ propriè conſiſtit, ubi per bullata diplomata negotia ex-
 pediuntur, ei ſubſunt diverſa officia Scriptorum Apoſtolicorum,
 Secretariorum, Abbreviatorum duorum generum, majoris nem-
 pe & minoris Parc, ut vocant, Regiſtratorum, Plumbatorum, Sol-
 licitatorum literarum apoſtolicarum, quos Janizeros vocant, cor-
 rectorum, collectorum plumbi, Cancellariæ Notariorum &c. Cur
 autem Cancellarii titulus in Vice-Cancellarii mutatus ſit, Gome-
 zius hanc rationem reddit, quod ſolus ſummus Pontifex hodie in ſolo Vice-
 Eccleſiæ Cancellarius Dei cenſetur, quare ejus Subpræfectus non
 amplius Cancellarius ſed Vice-Cancellarius nominatur. Vide
 P. Gregor. XV. *Synſagm. 42. num. 1.* Quæ ratio ſi vera eſt, mirum
 cur apud antiquiores uſque ad annum Chriſti 1187. Cancellarii no-
 men in ipſa etiam curiâ & Eccleſiâ Romana manſit. Ideò verior
 eſt hæc cauſa, quam Caſſaneus in catalogo gloriæ mundi
 conf. 13. tradit, his verbis: *Cum olim de pari contendere Cancellarius
 voluiſſet cum Papâ, propter excellentiam tanta dignitatis, ſtatu-*
tum

Quis ulti-
mus. Roma
Cancellarij.

Domnus
Moyses Vi-
ce-Cancel-
larij pri-
mus.

zum fuit pro lege, quod non amplius Cancellarius, sed Vice-Cancellarius de cetero vocaretur. Onuphrius in Epitomâ de Pontificibus & Cardinalibus Romanis ait, Albertum de Morâ Beneventanum tit. S. Laurentii in Lucinâ S. R. E. Cardinalem, qui postea in Papatu Gregorius VIII. dictus, ultimum fuisse omnium, qui Cancellarii appellationem obtinuerit: In ejus locum, ait, nullus Cardinalium factus est Cancellarius, nec aliquis suffectus, qui pro Cancellario ad tempus esset, sed Domnus Moyses quidam Lateranensis Canonicus Regularis S. R. E. Subdiaconus ad id munus assumptus est, qui quod Cardinalis non esset, non Cancellarius, ut Cardinales consueverant appellari, sed Cancellarii vicem agens dictus est. Vide Dn. Mallincrot. de Archi-Cancell. Imperii. cap. 5. Vestrium in introductione in Rom. Aul. aed. lib. 1. c. 4. & ibi Nicolaum Antonium Gravatum. A tempore igitur primi Vice-Cancellarii Moysis, ad illud officium satis diu vel Cardinales, vel alii assumpti sunt, quos ordine suo in Epitoma Onuphrius recitat. Ac quidem proximi successores illius duo uterque Cardinales fuerunt, dictique pro Cancellario, Cancellarii vices agentes, usque ad Honorii III. Pontificatum, sub quo Reinerius de castro veteri, Canonicus regularis & Prior S. Fridiani Lucensis primus fuit, qui Vice-Cancellarius appellatus est. Mallincrot. d. l.

CAP. XVIII.

Ad cap. ad audientiam. XI. de Refcr.

S U M M A R I A.

- | | |
|---|--|
| 1. Biturix, Avaricum Biturigum. Archiepiscopatus. | 5. Legati à latere. |
| 2. Aquitaniæ Primas, Archiepif. olim. | 6. Rescriptum contra regulas Grammaticæ vitiosum. |
| 3. De Legatis sed. Apost. | 7. Maximè in rescriptis Ecclesiæ. |
| 4. Nuncii Apostolici. | 8. Episcopus Grammat. & Dialect. non debet esse rudis. |

Biturix,
Avaricum
Biturigum.

Rescribitur Bituricensi Archiepiscopo, Apostolicæ sedis Legato. Biturix, Galliæ urbs, Greg. Turonensi, doctis Avaricum Biturigum, ait Mireus. Bituricensi Archiepiscopo qui & Patriarcham in publicis privatisque literis se nuncu-

pat,